

MEMORIA EXPLICATIVA E ECONÓMICA DA REGULACIÓN DA SUBVENCIÓN NOMINATIVA MEDIANTE CONVENIO ESPECÍFICO DE COLABORACIÓN ENTRE A CONSELLERÍA DE PROMOCIÓN DO EMPREGO E IGUALDADE E O CONSORCIO PARA O DESENVOLVEMENTO DE APLICACIÓNS PARA A XESTIÓN UNIVERSITARIA (CIXUG) PARA A POSTA EN MARCHA DUN PLAN DE FOMENTO DO EMPRENDEMENTO A TRAVÉS DE INICIATIVAS EMPRESARIAIS DE BASE TECNOLÓXICA NO ÁMBITO UNIVERSITARIO DE GALICIA PARA O ANO 2023

De acordo co disposto no Decreto 58/2022, do 15 de maio, polo que se establece a estrutura orgánica da Xunta de Galicia, no Decreto 73/2022, do 25 de maio, polo que se fixa a estrutura orgánica das vicepresidencias e das consellerías da Xunta de Galicia; e no Decreto 123/2022, de 23 xuño de 2022, polo que se establece a estrutura orgánica da Consellería de Promoción do Emprego e Igualdade, correspóndelle a esta o exercicio das competencias e funcións relativas á xestión das políticas activas de emprego.

No ámbito das políticas activas de emprego, o Real decreto legislativo 3/2015, do 23 de outubro, polo se aproba o texto refundido da Lei de emprego no seu artigo 36 recolle a posibilidade de xestionar as accións e medidas de políticas activas de emprego, entre outras opcións, mediante a subscripción de convenios ou calquera outra forma xurídica axustada a dereito.

O Consorcio para o desenvolvemento de aplicacións para a xestión universitaria-CIXUG, en consonancia coas metas que lle foron conferidas polas universidades integrantes, está a asumir as accións formativas e procedementais específicas das tres universidades, entre outras, no ámbito das políticas en materia do apoio ao emprego e a dinamización laboral, creando de xeito coordinado procedementos, aplicacións e servizos cara a xestionar de forma coordinada as súas políticas de inserción laboral en xeral e, en particular, a formación do persoal técnico que actualmente está a desenvolver as actuacións en materia de orientación laboral, contando para isto co equipamento e co equipo educativo necesario.

Acredítanse razóns de interese público, social e económico para a subscripción dun Convenio específico de colaboración entre a Consellería de Promoción do Emprego e Igualdade e o Consorcio para o desenvolvemento de aplicacións para a xestión universitaria (CIXUG), para a posta en marcha dun plan de fomento do emprendemento a través de iniciativas empresariais de base tecnolóxica no ámbito universitario de Galicia toda vez que o CIXUG, como entidade sen ánimo de lucro e personalidade xurídica propia que está participado polas tres universidades galegas, constitúese como axente necesario e imprescindible para desenvolver dito plan.

En coherencia con todo o exposto e para facelo posible, a Consellería de Promoción do Emprego e Igualdade incluíu no Plan Anual de Política de Emprego (PAPE) para o ano 2023, dentro do EIXO 1 ORIENTACIÓN, un Programa Propio denominado "PP00337 PROTOCOLO COAS UNIVERSIDADES GALEGAS PARA FOMENTO DO EMPREGO, MELLORA DA ORIENTACIÓN E EMPRENDEMENTO".



OBXECTO DO CONVENIO

Tratase dun convenio específico que regula a subvención nominativa de concesión directa prevista nominativamente nos orzamentos xerais da comunidade autónoma, cuxo obxecto é a colaboración entre a Consellería de Promoción do Emprego e Igualdade e o Consorcio para o desenvolvemento de aplicacións para a xestión universitaria (CIXUG) para a posta en marcha dun plan de fomento do emprendemento a través de iniciativas empresariais de base tecnolóxica no ámbito universitario de Galicia para o ano 2023. De conformidade co establecido nos artigos 19.4.a) da Lei 9/2007, do 13 de xuño, de subvencións de Galicia e 36 a) do Decreto 11/2009, do 8 de xaneiro, polo que se aproba o Regulamento da Lei 9/2007, trátase dunha subvención.

A finalidade do convenio é abordar e executar o conxunto de iniciativas e actividades vinculadas ao fomento do emprendemento a través de iniciativas de emprego de base tecnolóxica (IEBT) a desenvolver polo CIXUG no ano 2023

Forma parte das políticas activas de emprego e desenvólvese no seo da comunidade universitaria vinculado a:

- labores e aos resultados de investigación, transferencia, valorización e innovación que se desenvolven nas universidades galegas.
- asesoramento e acompañamento neste tipo de iniciativas durante a súa creación e na súa posta en marcha para maximizar as súas probabilidades de éxito.
- impulso do fomento da cultura emprendedora e o espírito empresarial innovador entre a poboación universitaria galega, como espazo de máxima referencia na divulgación e creación destas iniciativas innovadoras con contido científico ou base tecnolóxica e difusión da cultura emprendedora.

FINANCIAMENTO

A Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023 na Sección 11, Servizo 30, Programa de gasto 322C *Promoción do emprego, do emprego autónomo e do mercado de traballo inclusivo*; Concepto 444 *A universidades públicas da Comunidade Autónoma de Galicia*; Subconcepto 444.0 *Convenio co CIXUG para o impulso das novas IEBTs*; código de Proxecto 2015 00552, denominado *Convenio Universidade impulso IEBTs*, establece o importe da subvención nominativa ao CIXUG nunha contía de 75.000 euros.

ENCAIXE NO PEG 22-30

A vista dos obxectivos descritos, este convenio ten o seguinte encaixe no PEG

EIXO: **E1**. O reto demográfico

PRIORIDADE DE ACTUACIÓN: **PA01** - Acadar un nivel de emprego elevado e de calidade, que garanta o equilibrio entre a vida profesional e a privada



OBXECTIVO ESTRATÉGICO: OE03 - Aumentar as competencias emprendedoras, impulsar a creación de empresas e iniciativas de traballo por conta propia sustentables e fomentar un mercado de traballo inclusivo.

OBXECTIVO OPERATIVO: OO02 - Programas de promoción do auto emprego.

INDICADORES de Produtividade	Valor previsto
SC01.H - Persoas desempregadas, incluídos os de longa duración. Homes	150
SC01.M - Persoas desempregadas, incluídos os de longa duración. Mulleres	150

Santiago de Compostela, na data da sinatura electrónica

A secretaria xeral de Apoio ao Emprego, Traballo Autónomo e Economía Social
Covadonga Toca Carús

